



Kutakaswa kwa Ile Kweli

Uwatakase kwa ile kweli; Neno Lako ndiyo kweli.—Yohana 17:17.

Ni kwa njia ya ukweli, kwa uweza wa Roho Mtakatifu, tunatakaswa—tunabadilishwa tufanane na Yesu Kristo. Na ili mabadiliko haya yaletwe kwetu, lazima kuwe na ukubali kamili wa ukweli usio na msharti, na kujisalimisha kabisa kwa roho kwa nguvu yake ibadilishayo....

Watu wengi wanashikilia kwa ushupavu upekee wao. Hata baada ya kukiri kuupokea ukweli, kujitoa kwa Yesu, tabia zile zile za zamani zinaendelezwa, kiburi kile kile kinaoneshwa, dhana zile zile zinapewa kipaumbele. Ijapokuwa hao wanadai kuwa wameongoka, ni ushahidi kwamba bado hawajajitoa wenyewe kwenye nguvu ibadilishayo ya ukweli....

Kuzaliwa upya kunahusisha kuwa na mifazamo mipya, mwonjo mpya, na mielekeo mipya. Wale waliozaliwa kwa maisha mapya na Roho Mtakatifu wamekuwa washirika wa asili ya Uungu, na katika tabia na matendo yao yote, watatoa ushahidi wa uhusiano wao na Yesu....

Amri, "Basi ninyi mtakuwa wakamilifu, kama Baba yenu wa mbinguni alivyo mkamilifu," kamwe isingetolewa ikiwa kila uwekevu ungekuwa haujafanywa ili kwamba tuweze kuwa wakamilifu katika Mazingira yetu kama yalivyo Kwake Mungu. Tunalazimika daima kuongezeka kutoka kwenye nuru hadi kwenye nuru kuu zaidi, huku tukishikilia sana kile ambacho tayari tumepokea, na kuomba kwa ajili ya zaidi. Kwa namna hiyo kamwe hatutaachwa gizani (The Review and Herald, Aprili 12, 1892)

Ujumbe wa rehema unapaswa kutolewa kwa ulimwengu kwa kuihubiri injili ya kweli. Ukweli, ukweli wa Biblia—huu ndio ambao watu wanauhitaji. Tukiwa tumepiga magoti tunapaswa kudai ahadi ya Neno la Mungu, tukiomba kwamba tuweze kuupokea ukweli safi, usiochanganywa, na kwamba-tuweze kutambua uhitaji wa kutoa ukweli huu kwa wengine. Kisha wanaume na wanawake wataongolewa. Mkono wa Mungu utatambuliwa katika uanzishwaji wa makanisa mapya. Bwana atawabatiza kwa roho ya mitume wale wengi watacaoendelea kuifanya kazi ya umisionari katika maeneo ambapo watu hawaujui ukweli.

Kazi ya umisionari itayapatia makanisa msingi wa kweli, msingi ulio na muhuri huu, "Bwana awajua walio Wake." Kisha Mungu atatukuzwa ndani ya watu Wake. Utume wa Kikristo utajengwa juu ya Yesu Kristo. Chini ya uongozi wa Mungu kazi itasonga mbele, na ushuhuda usiohesabika wa ukamilifu wa kazi utatolewa. Watendakazi hawatatafuta kujitukuza, bali watamsifu Mungu kuwa mwasisi na mwandalizi wa kila kazi takatifu na yenye kuadilisha. Wametakaswa kwa ile kweli; kwa maana ukweli ulivyotendwa kadhalika na ulivyohubiriwa una mvuto utakasao katika tabia (The Signs of the Times, Agosti 21, 1901).